



Stručna služba općinskog vijeća i općinskog načelnika

PRIJEDLOG

Broj: 01/1-02-2890/16
Ilijaš, 29.11.2016. godine

Z A P I S N I K

sa 2. (druge) sjednice Općinskog vijeća Ilijaš, održane dana 29.11.2016. godine, sa početkom u 10:00h.

Drugom sjednicom Općinskog vijeća Ilijaš predsjedavao je predsjedavajući OV-a Ilijaš g-din Mahir Dević.

Prisutni vijećnici:

| RB. | IME I PREZIME |
|------------|------------------------------|
| | SDA |
| 1 | MAHIR DEVIĆ |
| 2 | ANEL BUMBULOVIĆ |
| 3 | MUAMER DERVIŠEVIĆ |
| 4 | ALMA OMEROVIĆ |
| 5 | MEHMED SINANOVIĆ |
| 6 | ADEM ALIĆ |
| 7 | SAUDIN DURMIĆ |
| 8 | ARMIN MATORUGA |
| 9 | SEMIR DEDIĆ |
| 10 | HALID DIZDAREVIĆ |
| 11 | RASIM ŠEHIĆ |
| 12 | MELISA MATORUGA |
| | SDP |
| 13 | ALAN ŠERAK |
| 14 | DAMIR FILIPOVIĆ |
| 15 | MIRSAD OSMANOVIĆ |
| | SBB-FAHRUDIN RADONČIĆ |
| 16 | AKIF BEŠLIJA |
| 17 | SEAD ŠEHIĆ |
| | BPS-SEFER HALILOVIĆ |
| 18 | MUHAMED HANDŽIĆ |
| 19 | ALMIR ŠPIODIĆ |
| | GS |
| 20 | EDHEM HASANOVIĆ |
| 21 | ASIM MUJIĆ |
| | DF |
| 22 | - |
| 23 | ALEN HASKOVIĆ |
| | LDS |
| 24 | MEHO DŽINDO |
| | STRANKA ZA SREDNJE |
| 25 | - |

Odsutni vijećnici:

1. Semir Dizdarević i
2. Besim Gljiva

Prisutni gosti:

1. Aida Muratović - Radio Ilijaš
2. TV Vogošća
3. Mehmed Smajlović – predsjednik Savjeta MZ Mrakovo

Ostali prisutni:

1. Akif Fazlić – općinski načelnik
2. Meliha Avdibegović – pomoćnik načelnika
3. Merima Osmanović – pomoćnik načelnika
4. Sanja Zagorac-Jozić – pomoćnik načelnika
5. Sadeta Brkić – pomoćnik načelnika
6. Alma Imamović – pomoćnik načelnika
7. Zdravko Barić – pomoćnik načelnika
8. Nijaz Spahić – pomoćnik načelnika
9. Ilda Kahriman – sekretar OV-a Ilijaš
10. Adha Masnopita – stručni saradnik u Službi za društvene djelatnosti
11. Maida Habibović – zapisničar

Predsjedavajući je otvorio sjednicu i konstatovao da postoji kvorum za odlučivanje (prisutan 21 vijećnik).

Zatim je dao na razmatranje zapisnik sa konstituirajuće sjednice.

Primjedbi na zapisnik nije bilo, pa je OV-e jednoglasno usvojilo zapisnik sa konstituirajuće sjednice.

Pročitao predloženi dnevni red.

Primjedbi na predloženi dnevni red nije bilo, pa je OV-e jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa prethodne sjednice
3. Informacija o izvršenju Budžeta općine Ilijaš za period 01.01.-30.09.2016. godine
4. Izmjene i dopune Budžeta općine Ilijaš za 2016. godinu
5. Nacrt Budžeta općine Ilijaš za 2017. godinu
6. Nacrt Odluke o izvršavanju Budžeta općine Ilijaš za 2017. godinu
7. Prijedlog Odluke o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnim djelatnostima
8. Prijedlog Odluke o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnoj čistoći
9. Prijedlog Izmjena Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići
10. Prijedlog Odluke o stipendiranju učenika i studenata sportista sa područja općine Ilijaš
11. Nacrt Regulacionog plana "Stari Ilijaš", nacrt Odluke o provođenju Regulacionog plana "Stari Ilijaš" i Nacrt Odluke o usvajanju Regulacionog plana "Stari Ilijaš"
12. Nacrt Regulacionog plana "Savića Brdo", nacrt Odluke o provođenju Regulacionog plana "Savića Brdo" i Nacrt Odluke o usvajanju Regulacionog plana "Savića Brdo"
13. Prijedlog Odluke o načinu i uslovima prodaje neizgrađenog građevinskog zemljišta
14. Prijedlog rješenja iz imovinsko-pravne oblasti:
 - a) rješenje broj:06/1-31-1753/16

- b) rješenje broj:06/1-31-2478/16
- c) rješenje broj:06/1-31-2559/16
- d) rješenje broj:06/1-31-2560/16
- e) rješenje broj:06/1-31-2711/16

15. Informacija o uspjehu i odgoju učenika u osnovnim i srednjim školama, na području općine Ilijaš u školskoj 2015/2016. godini.

AD-1

Vijećnička pitanja i inicijative

ADEM ALIĆ – vijećnik SDA

Inicijative:

1. Pokrećem inicijativu prema Direkciji za ceste Kantona Sarajevo da se na krivini u Popovićima i Glavici – Salkanov Han postavi zaštitna ograda.

Obrazloženje: Na navedenim dionicama u toku zime pogotovo kad je snijeg i poledica, te mokr put, postoji stalna opasnost od slijetanja sa puta, gdje se ugrožava život građana i djece na navedenom području.

U sklopu navedene inicijative predlažem nadležnim općinskim službama da organizuju sastanak sa novom upravom Direkcije za ceste, a vezano za projekte horizontalne i vertikalne signalizacije puteva na području općine Ilijaš, a posebno za lokalna područja Misoča, Bioča, Mrakovo, Gajevi, Kamenica i Ilijaš.

ANEL BUMBULOVIĆ – vijećnik SDA

Inicijativa:

1. Pokrećem inicijativu prema komunalnom inspektoru, da izađe na teren i riješi pitanja stvaranja fiktivnih deponija otpadnog građevinskog materijala u ul.Žrtava genocida u Srebrenici – Podlugovi, nastali kao posljedica izvođenja radova na postavljanju cijevi za optičke mreže.
Inicijativa se takođe odnosi i na otpad koji zastaje na ulicama i začeplja odvođe za odvodnju oborinskih voda.

AKIF BEŠLIJA – vijećnik SBB-a

Inicijativa:

1. Na zahtjev stanovnika MZ Mrakovo i MZ Podlugovi, pokrećem inicijativu da se naspu tzv. bankine pored puta na dionici od skretanje za Vratušu, pa do Podlugova, te da se što hitnije iznađe rješenje za čišćenje postojećeg kanala za otpadne vode uz pomenutu dionicu puta.

Obrazloženje: Svjedoci smo da se u prethodnom periodu na području MZ Mrakovo i MZ Podlugovi vršilo kopanje i postavljanje cijevi za polaganje optičkih kablova kao i kopanje šahtova. Kopanjem istih na pomenutoj dionici došlo je do zatrpavanja i onako loših kanala za otpadne vode. Također, došlo je i do uništavanja i devastiranja puta na pojedinim dijelovima ove dionice gdje su ostale rupe, kao i uništavanja nasipa uz asfalt tzv. bankine što se sve pretvorilo u blato, te je skoro pa ne moguće na pojedinim dijelovima da se automobili mimoiđu što svakako ugrožava odvijanje saobraćaja. Ovome dodajem i da je pojedinim kontejnerima ne moguće prići i odložiti smeće također zbog blata.

Molim nadležnu općinsku službu da izađe na teren, na navedenu lokaciju, utvrdi činjenično

stanje, te naloži izvođačima radova da cijelu dionicu puta vrati u prvobitno stanje, a ne da je ostave uništenu.

MIRSAD OSMANOVIĆ – vijećnik SDP-a

Inicijative:

1. U skladu sa čl.5., 6., i 8. Poslovnika Općinskog vijeća Ilijaš, pokrećem inicijativu da općinski načelnik u Programu rada za 2017. godinu uvrsti izgradnju ulične rasvjete u mjestu Ribarići – pvožnjak, most-naselje.
Također da se obezbjedi prevoz učenika osnovne škole iz Ribarića do Starog Ilijaša.
2. Tražim informaciju od nadležnih službi za putne pravce Kamena Ćuprija – Odžak (MZ Kamenica) i put za Makljen (MZ Podlugovi) i to:
 - ko je izvođač radova,
 - ko je vršio nadzor radova i
 - kakvo je trenutno stanje navedenih putava.

Pitanje:

- 1.. Dostavljamo li materijale koji se šalju na Javnu raspravu Savjetima mjesnih zajednica?

MUHAMED HANDŽIĆ – vijećnik BPS-Sefer Halilović

Pitanje:

1. Šta je sa mojom inicijativom koju sam pokrenuo u prethodnom sazivu Vijeća, a tiče se davanja naziva "Rašid Buća" sportskoj dvorani u Ilijašu. Inicijativu sam uputio Komisiji za javna priznanja. Obzirom da je njihov mandat istekao, a nisam dobio nikakav odgovor, molim sekretara OV-a da proprati moju inicijativu da mi se odgovori.
Navedenu inicijativu ću i u narednom periodu pokrenuti.

AD-2

Izveštaj o realizaciji zaključaka sa prethodne sjednice

Obzirom da je odražana samo konstituirajuća sjednica i svečana sjednica Općinskog vijeća Ilijaš povodom Dana državnosti BiH, nije bilo zaključaka.

AD-3

Informacija o izvršenju Budžeta općine Ilijaš za period 01.01.-30.09.2016. godine

Diskutanata po ovoj tački dnevnog reda nije bilo, pa je OV-e primilo k znanju

Informaciju o izvršenju Budžeta općine Ilijaš za period 01.01.-30.09.2016. godine

AD-4

Izmjene i dopune Budžeta općine Ilijaš za 2016. godinu

MERIMA OSMANOVIĆ – pomoćnik načelnika za privredu, finansije i investicije

Izmjenama i dopunama za 2016. godinu na 42. sjednici OV-a utvrđen je budžet sa planiranim prihodima i primicima u iznosu od 12.503.800,00 KM, odnosno rashodima i izdacima u iznosu od 12.503.800,00 KM.

Od momenta donošenja izmjena i dopuna budžeta desile su se određene promjene koje su uticale kako na strukturu tako i visinu prihoda odnosno rashoda. Tako da su se stvorili zakonski i drugi uslovi za pokretanje procedure novih izmjena i dopuna budžeta općine Ilijaš za 2016. godinu.

Ovim izmjenama i dopunama budžeta općine Ilijaš za 2016. godinu utvrđuju se ukupni prihodi i primici u iznosu od 12.483.000,00 KM, što u odnosu na osnovni plan predstavlja smanjenje za 20.800,00 KM odnosno za 0,17 % u odnosu na aktuelni plan budžeta za 2016. godinu.

Povećanje prihoda od indirektog oporezivanja koji pripadaju jedinicama lokalne samouprave za 0,1 % u odnosu na aktuelni plan a na osnovu revidovane projekcije prihoda dostavljene od strane federalnog ministarstva finansija 31.10.2016. godine. Naknada za uređenje građevinskog zemljišta i prirodnu pogodnost je smanjena za 125.000 KM odnosno za 9%.

Povećanje na poziciji tekući transferi od kantona za 25 % ili 152.000,00 KM, a kao rezultat uvećanog transfera za sanaciju šteta od prirodnih nepogodnosti i transfera po osnovu zakona o dopunskim pravima boraca.

Uvedena je nova budžetska pozicija primljeni transferi od inostranih vlada u skladu sa potpisanim sporazumom između općine Ilijaš i grada Dubrovnika o finansiranju radova na revitalizaciji kompleksa stari grad dubrovnik.

Uvećani kapitalni transferi od kantona, a po osnovu uvedene pozicije u budžetu Kantona Sarajevo za putnu infrastrukturu i biznis centar.

Kao najznačajnije promjene prihoda koji su tretirani izmjenama i dopunama budžeta izdvajamo slijedeće:

Tekući transferi izmjenama i dopunama budžeta su planirani u iznosu od 2.235.500 KM, odnosno 8 % više u odnosu na plan a kao vidljive promjene izdvajamo:

- transfer za izbore smanjen za 8.000,00 KM
- Novčane pomoći nezaposlenim smanjene za 5.000,00 KM
- Novčane pomoći nezaposlenim za liječenje povećane za 5.000,00 KM
- Transferi za posebne namjene – elementarne nepogode uvećane za 135.000,00 KM

Ostale pozicije zadržane na nivou aktuelnog plana budžeta.

Kapitalni transferi i izdaci

Kapitalni transferi i izdaci su ovim izmjenama i dopunama planirani u iznosu od 7.270,800 KM, što predstavlja smanjenje što je vidljivo u okviru plana razvojnih programa za 2016. godinu.

Bruto plaće i doprinosi za uposlene i izabrane zvaničnike su zadržani na nivou osnovnog plana.

Izdaci za materijal, sitni materijal i usluge zadržani su na nivou osnovnog plana ali je u okviru pojedinih budžetskih pozicija došlo do izmjena u odnosu na osnovni plan što je pojedinačno i prikazano kroz obrazloženje izmjena i dopuna budžeta

Realizacijom ovih izmjena i dopuna budžeta u potpunosti bi se i dalje zadržala finansijska stabilnost, kao i završili započeti projekti kao i realizovao jedan broj novih projekata i predlažemo OV-u da isti usvoji.

MIRSAD OSMANOVIĆ – vijećnik SDP-a

Odavno nije bio dnevni red ozbiljniji, bar za mene. Nisam davao primjedbe, jer smo po zakonu dužni do kraja godine pripremiti ove značajne dokumente. Kada su u pitanju ove

tri tačke: rebalans, izvršenje i nacrt – ne znam da li će se složiti načelnik i pomoćnik za finansije, ali mislim da je nacrt za iduću godinu mnogo ozbiljnija tema u ovom Vijeću nego ranijih godina iako je budžet jedan od najbitnijih dokumenata koji će se ovdje usvajati i koji je značajan za lokalnu zajednicu. U općini Ilijaš imamo tri značajna dokumenta čija realizacija treba da se završi iduće godine: Strategija razvoja općine Ilijaš, Lokalni ekološki akcioni plan i Strategiju za mlade i nedostaje jedan dokumenat, a to je program načelnika za iduću godinu. Volio bih da imamo informacije šta je urađeno kada su u pitanju navedeni dokumenti kada budemo razmatrali prijedlog budžeta za iduću godinu. Znači, da vidimo šta je urađeno kvalitetno, a šta nije.

Što se tiče rebalansa ima tehničkih grešaka, ali to će ispraviti.

Prihodi i izdaci su skoro identični, tako da je na prvi pogled fantastičan.

Preusmjeravanje srdstava za neke projekte je značajna i ne kažem da je to loše, ali često na početku godine u budžetu najavimo određene projekte, a onda ih kasnije rebalansom poravnamo, a onda neko kaže da dobro planiramo, ali činjenica je da nismo dobro planirali.

Prihod od prodatih taksi mi nije jasan, ali ako je tačno to je dobro.

Infrastrukturni objekti po mjesnim zajednicama smanjeni za 59% i to nije dobro.

Zamolio bih da raspravu o nacrtu budžeta i projekte koje smo godinama od sebe gurali, a i sada ih nema ovdje, treba razmisliti o tome.

MUHAMED HANDŽIĆ – vijećnik BPS-Sefer Halilović

Izmjene i dopune budžeta od 20.000 KM su neznčajna sredstva i čestitam pomoćnici načelnika za privredu i finansije na skromnom rebalansu i KV BPS-a će podržati izmjene i dopune budžeta.

Diskutanata po ovoj tački dnevnog reda više nije bilo, pa je OV-e jednoglasno usvojili

Izmjene i dopune Budžeta općine Ilijaš za 2016. godinu

AD-5

Nacrt Budžeta općine Ilijaš za 2017. godinu

MERIMA OSMANOVIĆ – pomoćnik načelnika za privredu, finansije i investicije

Projicirani prihodi i primici nacrtom budžeta općine Ilijaš za 2017. godinu iznose 10.722.000,00 što je za 14 % manje u odnosu na plan prihoda za 2016. godinu.

Projicirani suficit iznosi 950.000 po osnovu akumuliranog suficita i nerealizovanih projekata iz objektivnih razloga odnosno vremenskih prilika .

Glavni izvor prihoda su porezni prihodi koji pripadaju općini Ilijaš planiraju se u iznosu od 4.480.600,00 KM i u ukupnoj strukturi projekcije učestvuju na 42.43 %.(porez na promet nepokretnosti i prava, porez na imovinu, prihodi po osnovu indirektnih prihoda koji pripadaju JLS i indirektni porezi na ukapljeni plin).

Neporezni prihodi planirani su u iznosu od 2.044.500,00 KM i učestvuju sa 19,10 %. (prihodi po osnovu rente i uređenja građevinskog zemljišta, komunalnih taksi za istaknutu firmu i prihodi od usluga za radnje pred organom uprave

Transferi viših nivoa vlasti planirani su u iznosu od 1.710.000,00 KM i učestvuju u strukturi sa 16,26 %.

Ukupno projicirani rashodi i izdaci iznose 10.722.000 KM.

Projicirana sredstva za bruto plaće, naknade i doprinose iznose 1.859.700,00 KM i u ukupnoj strukturi projekcije nacrta učestvuju sa 18,94 % što je za 7 % više u odnosu na plan budžeta za 2016. godinu i projicirani su na 76 uposlenika u skladu sa odlukom o plaćama i naknadama kao i odredbama kolektivnog ugovora. Izdaci za materijal i usluge planirane su u iznosu od 1.007.600. KM i u ukupnoj strukturi učestvuju sa 9,42 %.

Tekući transferi su planirani sa 2.062.000 KM i u ukupnoj strukturi učestvuju sa 19.27%.

Kapitalni transferi i kapitalni izdaci su planirani u iznosu od 5.523.500 KM i učestvuju 51,61.%. Ovaj dio budžeta se finansijski pokriva iz sredstava kantona za posebne namjene u iznosu od 1.180.000,00 km ostalih nivoa vlasti 218.000,00 KM i izvornih sredstava općine u iznosu od 3.975.000,00 KM.

Od projekata koji zavređuju pažnju izdvajamo hidrogeološka istraživanja za potrebe otkrivanja i zahvatanja podzemnih voda rijeke Misoče, projekte iz oblasti školstva, spomen obilježja, revitalizacija područja stari grad Dubrovnik, sanacija objekata organa uprave i objekata u vlasništvu općine, gdje izdvajamo sanaciju arhive i prijemne kancelarije, mjesnog ureda u Srednjem, dom u Podlugovima i objekat Jahorina, prostora za dvd Srednje, biznis centar i multimedijalna sala u auli KSC, rekonstrukcije putne infrastrukture, kanalizacije i vodovodne mreže, javne rasvjete itd.

Čijom realizacijom će se stvoriti uslovi za bolji život građana.

Predloženi nacrt budžeta je u realnim okvirima i predlažemo da se dokument stavi na javnu raspravu kako bi se kroz primjedbe došlo do što kvalitetnijeg plana.

Javna rasprava će trajati 15 dana počevši od 01.12. do 15.12.2016. godine. Ovaj nacrt predstavlja dobru polaznu osnovu za kvalitetnu raspravu, te s toga pozivamo sve zainteresovane građane, MZ-e, budžetske korisnike, udruženja, asocijacije, političke partije, da svoje prijedloge dostave u službu za privredu, finansije i investicije u pismenoj formi ili putem e-maila najkasnije do 16.12.2016. godine .

Očekujemo mišljenja svih sudionika i da eventualno još poboljšamo i utvrdimo prioritete u realizaciji.

Odluka o izvršavanju budžeta predstavlja provedbeni dokument budžeta općine Ilijaš za 2017. godinu

Ova materija je regulisana zakonskim i podzakonskim aktima viših nivoa vlasti smatramo da je ovaj način izvršavanja budžeta transparentniji i efikasniji.

MIRSAD OSMANOVIĆ – vijećnik SDP-a

Sve što sam ranije govorio bilo je u cilju što kvalitetnijeg budžeta za iduću godinu. Imam nekoliko pitanja. Kakve refleksije ima Nacrt budžeta Kantona Sarajevo na naš općinu? Ovdje imamo nekoliko stavki koje su interesantne, a ja ću navesti samo neke? Prihodi od indirektnog oporezivanja koji pripadaju općini umanjeni su za 3%, a koliko znam isti rastu. Tu je malo nelogičnosti.

Tekući transferi Kantona (za ovo sam pitao kakve ima refleksije), jer koliko mi je poznato Kantonu je umanjeno 29 miliona, što je ista logika i kao i za ovo prethodno od 3%.

Tekući transferi od Kantona umanjeni su za 17%, od Federacija za 40%, od države za 50%, kapitalni transferi Kantona umanjeni su 20%, tako da mi ovo nije jasno, jer sve nam raste i mi smo sve bolji i bolji, a ovdje smo u minusu i na kraju ukupan budžet za narednu godinu, u odnosu na tekuću godinu je manji za 1.761.000, 00 i volio bih malo više detalja vezano za ovo. Međutim, budžet od 10 miliona ako se dobro usmjeri, Ilijaš neće ići unazad.

MUHAMED HANDŽIĆ – vijećnik BPS-Sefer Halilović

U nacrtu budžeta ima vjerovatno nedostataka i prijedloga koje ćemo uputiti u toku javne rasprave, a zainteresovala me ova novčana pomoć za nezaposlene u stanju socijalne potrebe. Planirano je 40.000 KM i ne znam da li se radi o sredstvima koje načelnik u svom programu izdvaja za 30 osoba po 100,00 KM u periodu od deset mjeseci. To je u proteklom mandatu možda bio jedan od najboljih i najuspješnijih projekata. Nije se izdvajalo puno sredstava, ali je zadovoljena potreba onih najugroženijih. Bilo bi dobro da se ovo nastavi, ali nisam siguran da se radi o transferu za ovu kategoriju ljudi.

S druge strane, imamo stavku – subvencija za brigu o napuštenim životinjama i vjerovatno se radi o psima lutalicama i to iznosi 50.000,00 KM.

Trebamo se svi zapitati da li je ovo uredu, s obzirom na činjenicu koliko je socijalno ugroženog stanovništva, koliko je ljudi korisnika javne kuhinje, a i na gornjim krajevima općine ima dosta ljudi kojima će pomoć od 100,00 KM dobro doći. Bilo bi dobro, ako se radi o toj stavci da je povećamo, jer ima više osoba koji su u stanju socijalne pomoći.

MUAMER DERVIŠEVIĆ – vijećnik SDA

Želim čestitati načelniku i menadžmentu općine na realnom budžetu koji je cca 11 miliona i slobodno možemo reći da je ovo razvojni budžet.

KV SDA će podržati ovaj nacrt.

ALMIR ŠPIODIĆ – vijećnik BPS-a

Imam pitanje vezano za budžet, a odnosi se na povećanje stavke sa 220.000,00 KM na 240.000,00 KM JU KSC i Radio Ilijaš.

S obzirom da je malonogometna liga uveliko zaživjela i kada smo se obratili direktoru KSC-a da se nastavi dio odigravanja tog takmičenja koji je izazvao jednu euforiju u Ilijašu, on je rekao da za nastavak te malonogometne lige uplaćujemo za svako kolo po 300,00 KM i da se obratimo općini Ilijaš da se poveća budžet KSC-u da bi oni nama vršili protuuslugu tj. dozvoljavali korištenje dvorane. Zato me interesuje da li je ovo povećanje u te namjene?

AKIF FAZLIĆ – općinski načelnik

Kada su u pitanju stvari vezane za nacrt budžeta za 2017. godinu, odnos našeg budžeta i budžeta KS je definisan sistemskim zakonima i odnosima koji su vezani za politiku i borbu za sredstva. Ono što je Mirsad Osmanović direktno postavio, znači indirektni porezi koji idu iz Uprave za indirektno oporezivanje su precizno definisani Zakonom o pripadnosti javnih prihoda u FBiH i po tom Zakonu općinama pripada 8,42%, da iz tih 8,42% na bazi četiri kriterija se dijeli općinama u FBiH (broj stanovnika, veličina teritorije, broj učenika u osnovnim školama i broj učenika u srednjim školama). Na bazi ta četiri kriterija federalno ministarstvo utvrđuje koeficijente, Vlada ih usvaja i oni su osnova za jednu godinu transfera sa federalnog trezora. Direktno, svaki dan se transferišu ta sredstva.

Federalno ministarstvo finansija je nama već dostavilo projekciju za 2017. godinu i na bazi toga upisan je ovaj iznos. Takođe, na ovaj nacrt daje svoju saglasnost ministar finansija Kantona Sarajevo i to je u osnovi najbitnije da fiskalna stabilnost mora biti zagarantirana u dokumentima koji se usvajaju kao budžeti.

Slijedeće, odnos Kantona i budžeta općine Ilijaš je definisan nekim Zakonima i procedurama kada su u pitanju podijeljene nadležnosti. Svjedoci smo da na osnovu Zakona o datatnim pravima boraca i sfere socijalnog sektora, jedan dio sredstava se transferiše općinama i onda kroz rješenja se ona direktno transferišu korisnicima.

Treći dio je da i dijelom politika učestvuje i može doprinijeti našem budžetu jeste kada se radi o kapitalnim grantovima prema nivoima lokalne samouprave gdje se svi borimo da iz namjenskih sredstava u Kantonu Sarajevo kandidujemo projekte i da dođemo do tih transfera koji će pojačati naš budžet.

Pitanje Muhameda Handžića vezano za sredstva iz socijalne sfere – vidjeli ste da imamo 4-5 pozicija gdje smo definisali naše djelovanje u ovoj sferi. Ono zasluhuje i stalna poboljšanja i povećanja sredstava, a u mom prijedlogu je 45.000 KM i ulazimo sa istim projektom u 2017. godini, a ako procijenimo možemo ga i dijelom i to poboljšati i itekako da ima potreba da u ovom segmentu još više radimo.

Vezano za pitanje Almira Špiodića za povećanje sredstava sa 220.000,00 KM na 240.000,00 KM JU KSC i Radio Ilijaš – generalno želimo da u KSC-u mnoge stvari pokušamo uraditi i sa aspekta djelokruga rada KSC-a i s aspekata stanja objekata i stanja dvorane. Rano je govoriti, ali probat ćemo sistemski zaokruživati neke stvari kada je u pitanju upravljanja sportskim objektima i terenima na području općine Ilijaš. Možda to sve integrisati u KSC-e i znači trebmao ojačati tu instituciju da da pravi odgovor za potrebe sporta i kulture u gradu.

Malonogometna liga – moj stav je poznat i jasan. Moraju se znati osnivači lige, upravljačka struktura, mora se znati direktor lige, mora se znati kako se finansira i da bi općina učestvovala, to je moj stav, ona se mora održavati u svim MZ-e gdje postoje sportske plohe, a ne u KSC-u i to je preduslov da bi bila budžetski tretirana u 2017. godini.

Na zahtjev KV SDP-a uslijedila je pauza od 11:05-11:10h.

Nakon pauze, predsjedavajući je dao na glasanje prijedlog zaključka za javnu raspravu.

Općinsko vijeće je jednoglaso usvojilo slijedeći

ZAKLJUČAK

Član 1.

Prihvata se Nacrt Budžeta općine Ilijaš za 2017. godinu i stavlja na javnu raspravu.

Član 2.

Nacrt Budžeta općine Ilijaš za 2017. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš.

U javnoj raspravi učestvovat će: građani, mjesne zajednice, budžetski korisnici, političke stranke i ostale asocijacije i udruženja građana.

Član 3.

Javna rasprava o Nacrtu Budžeta općine Ilijaš za 2017. godinu se određuje u trajanju od 15 dana, počev od 01.12.2016. godine do 15.12.2016. godine.

Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 16.12.2016. godine – 15:00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

AD-6

Nacrt Odluke o izvršavanju Budžeta općine Ilijaš za 2017. godinu

Diskutanata po ovoj tački dnevnog reda nije bilo, pa je OV-e jednoglasno donijelo

ZAKLJUČAK

Član 1.

Prihvata se Nacrt Odluke o izvršavanju Budžeta općine Ilijaš za 2017. godinu i stavlja na javnu raspravu.

Član 2.

Nacrt Budžeta općine Ilijaš za 2017. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš.

U javnoj raspravi učestvovat će: građani, mjesne zajednice, budžetski korisnici, političke stranke i ostale asocijacije i udruženja građana.

Član 3.

Javna rasprava o Nacrtu Odluke o izvršavanju Budžeta općine Ilijaš za 2017. godinu se određuje u trajanju od 15 dana, počev od 01.12.2016. godine do 15.12.2016. godine.

Član 4.

Nakon provedene javne rasprave primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 16.12.2016. godine – 15:00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

AD-7

Prijedlog Odluke o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnim djelatnostima

AKIF FAZLIĆ – općinski načelnik

Kanton Sarajevo očito nije uspio u rokovima, u kojim smo ranije definisali odluke, završiti ove aktivnosti vezano za izmjene Ustava KS koje podrazumjevaju set zakona iz komunalne privrede (Zakon o komunalnim djelatnostima i Zakon o komunalnoj čistoći). Na

prethodnoj Skupštini Kantona Sarajevo je dopuna te Odluke gdje je produžen rok od šest mjeseci i naravno da Kantonu trebaju saglasnosti općinskih vijeća i u tom smislu smo i predložili ove odluke.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnim djelatnostima

AD-8

Prijedlog Odluke o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnoj čistoći

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o davanju mišljenja i saglasnosti Kantonu Sarajevo na Prijedlog Zakona o izmjeni Zakona o komunalnoj čistoći

AD-9

Prijedlog Izmjena Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Ova Odluka je usvojena i objavljena u "Službenim novinama Kantona Sarajevo", br.39/13. Naselje je u završnoj fazi, investitor tog naselja je u površini od 4528 m² kupio uz ovo naselje još zemljišta i površina se povećava za ovo novo kupljeno zemljište, a kupljeno je u svrhu izgradnje društvenih i poslovnih javnih objekata koje će služiti za potrebe stanovnika tog naselja i potrebe lokalnog stanovništva. Radi se o supermarketu, restoranu, jednom društvenom objektu sa pratećom infrastrukturom i zaštitnim zelenilom.

U uvodu Odluke je napravljena jedna tehnička greška: treba da stoji na osnovu člana 56. Zakona o prostornom uređenju Kantona Sarajevo "Službene novine Kantona Sarajevo", broj:7/05".

MIRSAD OSMANOVIĆ – vijećnik SDP-a

Nije mi jasan termin "utvrđivanje novog građevinskog zemljišta". Da li je to pretvorba poljoprivrednog u građevinsko zemljište? Drugo, da li ima potrebe za mišljenje Pravobranilaštva Kantona Sarajevo?

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Plan parcelacije, shodno Zakonu o prostornom uređenju, utvrđuje Općinsko vijeće i to je jedan vid planskog dokumenta.

Mišljenje pravobranioca na prostorno-plansku dokuumentaciju nije zakonom predviđeno.

Po usvajanju plana parcelacije i prije izdavanja urbanističkih saglasnosti ide pretvaranje poljoprivrednog u građevinsko zemljište. Za svaku ovu parcelu za koju je data urbanistička i dozvola za stambene objekte, tako će biti i za ove javne objekte, ide pretvaranje poljoprivrednog u građevinsko zemljište i u tu svrhu se i donosi plan parcelacije i novo građevinsko zemljište.

MUHAMED HANDŽIĆ – vijećnik BPS-Sefer Halilović

Na ovom fonu, želim da pitam da li se radi o šumskom zemljištu ili o karakterističnom poljoprivrednom (njiva). Poznato je da se šumsko zemljište ne može pretvarati u građevinsko, tako da je ova odluka, što se mene tiče, donekle sporna u smislu pretvaranja, ako se radi o pretvaranju šumskog u građevinsko zemljište.

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Ovo nije šumsko zemljište, nego je poljoprivredno i šumsko zemljište ne može ići na plan parcelacije i do sada nismo imali niti jednu takvu odluku. Šumsko zemljište jedino može ići na izradu Regulacionog plana i to je jedini način da se šumsko zemljište može pretvoriti u građevinsko po Zakonu o šumama Kantona Sarajevo.

MEHMED SMAJLOVIĆ – predsjednik Savjeta MZ Mrakovo

Ja nisam glasnogovornik niti investitor niti izvođača, nego samo prenosim stavove građana i svi mi imamo granicu i mjeru. Ja pokušavam da kroz sve ove sastanke općinskog vijeća i kroz forume građana, objasnim građanima svrhu izradnje ovih objekata. Ovdje sugerišem i molim načelnika i službe i znam da oni to rade, da prilikom razgovora sa investitorima i izvođačima radova kažu u kakvoj je situaciji bila naša općina, kako su naši građani došli do infrastrukture, tako da moramo tražiti mehanizme zaštite kako građana tako i infrastrukture.

Diskutanata po ovoj tački dnevnog reda više nije bilo, pa je OV-e sa 17 glasova ZA i 5 UZDRŽANIH (SDB i BPS-Sefer Halilović) donijelo

Izmjene Odluke o utvrđivanju novog građevinskog zemljišta i plana parcelacije za izgradnju apartmanskog naselja Popovići

AD-10

Prijedlog Odluke o stipendiranju učenika i studenata sportista sa područja općine Ilijaš

SANJA ZAGORAC-JOZIĆ – pomoćnik načelnika za društvene djelatnosti

Programom rada Općinskog vijeća Ilijaš za 2016. godinu nije planirano donošenje ove Odluke, ali se njeno donošenje pokazalo potrebnim. Ilijaški sportisti iz godine u godinu bilježe sve bolje rezultate i često su sudionici velikih evropskih i svjetskih takmičenja u sastavu reprezentacije BiH. Njihovi rezultati plod su napornog rada i treninga. Kako bi smo im omogućili što bolje uslove rada Općina Ilijaš želi dati podršku najboljim sportistima općine Ilijaš, te ih na taj način motivisati da postižu još bolje rezultate.

Članom 1. definiše se predmet i sadržaj Odluke kojim se kaže da se Odlukom o stipendiranju učenika i studenata sportista sa područja Općine Ilijaš utvđuju osnove za stipendiranje ilijaških učenika i studenata koji ostvaruju vrhunske sportske rezultate na takmičenjima.

Članom 2. utvđuju se izvori finansiranja za provođenje ove Odluke.

Članom 3. definiše se ko ima pravo na ostvarivanje stipendije i moguća ograničenja za ostvarivanje stipendije.

Članom 4. utvđuje se obaveza Načelnika općine Ilijaš da donese Pravilnik o stipendiranju. Također, ovim članom utvđuju se pitanja koja treba da definišu pojedine odredbe

Pravilnika.

Članom 5. utvrđuju se elementi Konkursa za stipendiranje, mjesto objave Konkursa i Rang liste učenika i studenata koji ostvaruju pravo na stipendiju.

Članom 6. utvrđuju se elementi Ugovora o stipendiranju.

Član 7. definiše razloge za raskid Ugovora o stipendiranju i utvrđuje obavezu povrata sredstava primljenih od Općine Ilijaš.

Članom 8. utvrđeno je da nadzor nad provođenjem ove odluke vrši Općinski načelnik putem Službe za društvene djelatnosti. Također, utvrđuje se obaveza informisanja Općinskog vijeća Ilijaš.

Članom 9. definiše se rok za donošenje Pravilnika o stipendiranju koji iznosi 30 dana.

Član 10. sadrži odredbu o ravnopravnosti polova na način da korištena gramatička terminologija podrazumjeva uključivanje oba pola.

Članom 11. utvrđuje se stupanje na snagu Odluke.

Finansijska sredstva za provođenje Odluke obezbijedit će se u Budžetu Općine Ilijaš. Sredstva se mogu obezbjeđivati i iz drugih izvora ukoliko neko za to pokaže interes. Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.

Predlažemo Općinskom vijeću Ilijaš da ovu Odluku donesu u integralnom tekstu.

Diskutanata po ovoj tački dnevnog više nije bilo, pa je OV-e jednoglasno donijelo

Odluku o stipendiranju učenika i studenata sportista sa područja općine Ilijaš

AD-11

Nacrt Regulacionog plana "Stari Ilijaš", nacrt Odluke o provođenju Regulacionog plana "Stari Ilijaš" i Nacrt Odluke o usvajanju Regulacionog plana "Stari Ilijaš"

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Odluku o pristupanju izradi Regulacionog plana "Stari Ilijaš" (u daljem tekstu: Plana) donijelo je Općinsko vijeće Ilijaš, na sjednici održanoj 31.12.2013. godine ("Službene novine Kantona Sarajevo" broj 2/14).

Nacrt Plana izrađen je na osnovu Smjernica za izradu Plana, Član 4. gore navedene Odluke.

Područje obuhvaćeno granicom Plana je površine 66,93 ha, sa ukupnom dužinom obuhvata od 5924,96 m.

Rastojanje između sjeverne i južne tačke iznosi oko 1444 m, dok između istočne i zapadne tačke iznosi oko 1365 m.

Područje obuhvaćeno granicom Plana počinje od mosta na rijeci Bosni na ulazu u naselje Stari Ilijaš, obuhvata prostor uz regionalni put Semizovac – Visoko.

Uz obrazloženje izvršena je i prezentacija Regulacionog plana "Stari Ilijaš".

MUHAMED HANDŽIĆ – vijećnik BPS-Sefer Halilović

Pregledom ovog Regulacionog plana i izlaganjem pomoćnice načelnika, a uvidom u svakodnevno saobraćanje prema Sarajevu iz pravca Ilijaša, na saobraćajnici kod "Kalea" je u zadnje vrijeme simptomatično da se često dešavaju saobraćajni udesi i oni nisu napravili neki upust za skretanje za ovu firmu kao što je uradio Tranzit, a ni u ovom planu vidim da to nije predviđeno. Tu su često zastoji, pa se tako i dešavaju saobraćajne nezgode.

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Saobraćajnica koja ide lijevo od Malešićkog mosta prema ovim preduzećima Regulacionim planom je predviđena kao dvosmjerna saobraćajnica sa trotoarima i imamo ovdje planiranu internu saobraćajnicu između postojećeg Kaleinog objekta i novoplaniranog. Ovo planirano rješenje će svakako rasteretiti saobraćajnicu. Takođe, imat ćemo posebnu fazu saobraćaja kod javnog uvida i javne rasprave.

Diskutanata po ovoj tački dnevnog reda više nije bilo, pa je pomoćnica načelnika pročitala zaključak.

Općinsko vijeće je jednoglasno donijelo

ZAKLJUČAK

1. Utvrđuje se nacrt Regulacionog plana "Stari Ilijaš", nacrt Odluke o provođenju Regulacionog plana "Stari Ilijaš" i nacrt Odluke o usvajanju Regulacionog plana "Stari Ilijaš".

2. Javni uvid na Nacrt Regulacionog plana "Stari Ilijaš", nacrt Odluke o provođenju Regulacionog plana "Stari Ilijaš" i nacrt Odluke o usvajanju Regulacionog plana "Stari Ilijaš" stavlja se na Javni uvid u periodu od 30.11.2016. do 29.12.2016. godine, a Javna rasprava na nacrt Regulacionog plana "Stari Ilijaš", Nacrt Odluke o provođenju Regulacionog plana "Stari Ilijaš" i nacrt Odluke o usvajanju Regulacionog plana "Stari Ilijaš" održat će se 30.12.2016 (Petak) u sali Općine Ilijaš sa početkom u 14 sati.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš, dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj, Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-12

Nacrt Regulacionog plana "Savića Brdo", nacrt Odluke o provođenju Regulacionog plana "Savića Brdo" i Nacrt Odluke o usvajanju Regulacionog plana "Savića Brdo"

MELIHA AVDIBEGOVIĆ – pomoćnik načelnika za prostorno uređenje i stambeno-komunalne poslove

Odluku o pristupanju izradi Regulacionog plana „Savića brdo“ (u daljem tekstu: Plana) donijelo je Općinsko vijeće Ilijaš na sjednici održanoj 28.11.2013. godine ("Službene novine Kantona Sarajevo" broj 48/13), a Izmjene i dopune Odluke o pristupanju izradi Regulacionog plana „Savića brdo“ donijelo je Općinsko vijeće Ilijaš na sjednici održanoj 30.04.2015. godine ("Službene novine Kantona Sarajevo" broj 18/15), a na osnovu člana 40. Zakona o prostornom uređenju Kantona Sarajevo ("Službene novine Kantona Sarajevo" broj 7/05) i člana 23. i 55. Statuta Općine Ilijaš – Prečišćeni tekst ("Službene novine Kantona Sarajevo" broj 20/09).

Cilj izrade Plana je urbano uređenje ovog prostora, koje će lokalnom stanovništvu omogućiti kvalitetniji život, i obezbijediti opremanje saobraćajnom, komunalnom i društvenom infrastrukturom.

Odlukom o pristupanju izradi Plana utvrđene su osnovne smjernice za izradu Plana:

- Ispitati mogućnost planiranja nove izgradnje individualnih stambenih i stambenoposlovnih objekata, kao i mogućnost intervencija na postojećim objektima (rekonstrukcije ili zamjene postojećeg građevinskog fonda), uvažavajući infrastrukturna ograničenja;
- Preispitati mogućnost planiranja neophodnih kapaciteta društvene infrastrukture i sportsko-rekreativnih površina, na nivou lokalnog centra i centra mjesne zajednice;
- Planirati opremanje područja potrebnom mrežom saobraćajne i komunalne infrastrukture, te njihovo povezivanje sa susjednim prostornim cjelinama.

Predmetni lokalitet se nalazi na sjeverozapadu Kantona Sarajevo, a administrativno pripada općini Ilijaš.

Područje planiranja ograničeno je:

- na jugozapadu graniči sa RP „Banovac“,
- na sjeverozapadu granica ide ul. Novo naselje,
- na sjeveroistoku padinom i lokalnim makadamskim putem iznad naselja,
- na jugoistoku graniči sa RP „Alića gaj“.

Površina obuhvata iznosi 31,44 ha.

Analiza postojećeg stanja rađena je na osnovu obilaska terena, ankete provedene na terenu, Elaborata o inženjersko-geološkim i geomehaničkim karakteristikama tla.

Prostor Regulacionog plana "Savića brdo" nalazi se na teritoriji općine Ilijaš, a prostire se na ukupnoj površini od 31,4 ha, dok ukupna dužina obuhvata iznosi oko 2615 m. Rastojanje između sjeverne i južne tačke iznosi oko 735 m, dok između istočne i zapadne tačke iznosi oko 779 m. Ovaj prostor nalazi se sjeveroistočno u odnosu na ul. Novo naselje, a sa sjeverozapadne strane je ul. Novo naselje koja je odmah do potoka koji teče prema rijeci Bosni. Sa sjeverne – sjeveroistočne strane, granica obuhvata je pojas iznad naselja i ide lokalnim makadamskim putem, i prema istočnoj – jugoistočnoj strani do partizanskog spomenika.

Uz obrazloženje izvršena je i prezentacija Regulacionog plana "Savića Brdo".

Diskutanata po ovoj tački dnevnog reda više nije bilo, pa je predsjedavajući OV-a pročitao je zaključak i dao na usvajanje.

OV-e je jednoglasno donijelo

ZAKLJUČAK

1. Utvrđuje se nacrt Regulacionog plana "Savića Brdo", nacrt Odluke o provođenju Regulacionog plana "Savića Brdo" i nacrt Odluke o usvajanju Regulacionog plana "Savića Brdo".

2. Javni uvid na Nacrt Regulacionog plana "Savića Brdo", nacrt Odluke o provođenju Regulacionog plana "Savića Brdo" i nacrt Odluke o usvajanju Regulacionog plana "Savića Brdo" stavlja se na Javni uvid u periodu od 30.11.2016. do 29.12.2016 godine, a Javna rasprava na nacrt Regulacionog plana "Savića Brdo", Nacrt Odluke o provođenju Regulacionog plana "Savića Brdo" i nacrt Odluke o usvajanju Regulacionog plana "Savića Brdo" održat će se 30.12.2016 (Petak) u sali Općine Ilijaš sa početkom u 13 sati.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš, dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese Izvještaj, Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-13

Prijedlog Odluke o načinu i uslovima prodaje neizgrađenog građevinskog zemljišta

SADETA BRKIĆ – pomoćnik načelnika za imovinsko-pravne poslove

Pravni osnov za donošenje ove Odluke je član 363. Zakona o stvarnim pravima ("Sl. Novine F BiH", br. 66/13, 100/13), te člana 3. Pravilnika o postupku javnog konkursa za raspolaganje nekretninama u vlasništvu F BiH, kantona, općina i gradova ("Sl. Novine F BiH", br. 17/14) kojim su utvrđeni uslovi o raspisivanju Javnog konkursa za raspolaganje nekretninama u vlasništvu Općine odlučuje Općinsko vijeće na prijedlog Općinskog načelnika. Općinski načelnik utvrdio je prijedlog Odluke, na osnovu urbanističko-tehničkih uslova za potrebe raspisivanja Javnog oglasa u svrhu prodaje građevinskog zemljišta radi izgradnje stambeno poslovne zgrade na lokalitetu "Banovac" lamela SP3 u skladu sa Regulacionim planom "Banovac". Početna prodajna cijena utvrđena je u skladu sa članom 363. tačke 2. Zakona o stvarnim pravima, procijene sudskog vještaka građevinske struke. Predlažem da usvojite predmetni prijedlog i donesete odluku kako je predložena u tekstu.

DAMIR FILIPOVIĆ – vijećnik SDP-a

Vezano za ovu odluku zanimaju me dvije stvari i molio bih odgovor odmah sada. Koliko je ponuda dovoljno za nepokretnost da bi licitacija uspjela? Drugo, da li je ovo zemljište već nekome dodijeljeno ili stvarno idemo u javnu licitaciju?

SADETA BRKIĆ – pomoćnik načelnika za imovinsko-pravne poslove

Ako danas idemo u postupak donošenja i usvajanja prijedloga ovakve odluke i donošenja odluke o prodaji, dakako da nije nikome ni dodijeljeno. Da bi postupak licitiranja, odnosno javne prodaje na ovaj način bio uspješan, dovoljne su jedna, dvije i više ponuda. Početna cijena je 80,00 KM i ona se nalazi u proceduri nadmetanja. Ponavljam, nikome nije rezervisano i nikome nije uskraćeno pravo da bude učesnik u ovakvom postupku.

DAMIR FILIPOVIĆ – vijećnik SDP-a

Postavio sam ovo pitanje iz jednog razloga obzirom da smo materijale dobili u elektronskoj verziji na e-mail tačku pod nazivom "13.Tacka. Odluka o prodaji zemljišta Fazum 1". Zato sam pitao.

Zloupotreba položaja po članu 383. Kaznenog zakona sticanje imovinske koristi, mislim da je ovo diskutabilno, jer smo dobili tako u materijalima da sa navodi na pojedinog ponuđača. Dakle, u nazivu ove tačke u elektronskoj formi kako sam naveo stoji Fazum. Da li je tehnička greška ili nešto drugo, ali ubuduće treba paziti.

MAHIR DEVIĆ – predsjedavajući

Usvojili smo dnevni red u kome se tačka zove "Prijedlog Odluke o načinu i uslovima prodaje neizgrađenog građevinskog zemljišta". Moguće je da je napravljena tehnička greška.

Diskutanata po ovoj tački dnevnog reda više nije bilo, pa je OV-e sa 19 glasova ZA i 3 UZDRŽANA (SDP) donijelo

Odluku o načinu i uslovima prodaje neizgrađenog građevinskog zemljišta

AD-14

Prijedlog rješenja iz imovinsko-pravne oblasti:

- a) rješenje broj:06/1-31-1753/16
- b) rješenje broj:06/1-31-2478/16
- c) rješenje broj:06/1-31-2559/16
- d) rješenje broj:06/1-31-2560/16
- e) rješenje broj:06/1-31-2711/16

ALAN ŠERAK – vijećnik SDP-a

Zamolit ću obrazloženje za svako rješenje pojedinačno.

SADETA BRKIĆ – pomoćnik načelnika za imovinsko-pravne poslove

Pod tačkom a) rješenje broj:06/1-31-1753/16 - u pitanju je prijedlog rješenje kojim se utvrđuje da je od javnog interesa izgradnja, rekonstrukcija postojeće regionalne saobraćajnice na potezu Alića Rampe.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje broj:06/1-31-1753/16

SADETA BRKIĆ – pomoćnik načelnika za imovinsko-pravne poslove

Pod tačkom b) rješenje broj:06/1-31-2478/16 - JP "Elektroprivreda" BiH d.d. Sarajevo – Podružnica "Elektro distribucija" Sarajevo obratilo se putem Službe za imovinsko pravne poslove, geodetske poslove i katastar Općinskom Vijeću sa prijedlogom da se utvrdi javni interes za rekonstrukciju niskonaponske mreže trafo područja TP Donja Bioča (1847) za naseljeno mjesto Bioča i da se u tu svrhu može pristupiti nepotpunoj eksproprijaciji zemljišta odnosno ustanovljenju prava služnosti na zemljištu navedenom u dispozitivu ovog rješenja. U konkretnom slučaju radi se o rekonstrukciji niskonaponske mreže trafo područja TP Donja Bioča (1847) u naseljenom mjestu Bioča.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje broj:06/1-31-2478/16

SADETA BRKIĆ – pomoćnik načelnika za imovinsko-pravne poslove

Pod tačkom c) rješenje broj:06/1-31-2559/16 – u konkretnom slučaju radi se o izgradnji STS 10(20) 0,4 kV Podlipnik (1939) sa niskonaponskim nadzemnim priključkom

stambenog objekta u vlasništvu Milana Jokića, te da se može pristupiti nepotpunoj eksproprijaciji zemljišta navedenog u dispozitivu ovog rješenja u cilju kvalitetnijeg napajanja električnom energijom.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje broj:06/1-31-2559/16

SADETA BRKIĆ – pomoćnik načelnika za imovinsko-pravne poslove

Pod tačkom d) rješenje broj:06/1-31-2560/16 - radi se o izgradnji KBTS-1 10 (20)/0,4 kV 1x630 (400) kVA Ljubnići 3 (1989) i SN 10 (20) kV KB priključka i NN 0,4 kV KB veze za priključenje kompleksa SENABIL investitor MATAL d.o.o. Sarajevo.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje broj:06/1-31-2560/16

SADETA BRKIĆ – pomoćnik načelnika za imovinsko-pravne poslove

Pod tačku e) rješenje broj:06/1-31-2711/16 - radi se o rekonstrukciji niskonaponske mreže TP Crna Rijeka 1 (1878) u naseljenom mjestu MZ-e Kamenica.

Diskutanata po ovoj tački dnevnog reda više nije bilo, pa je OV-e jednoglasno donijelo

Rješenje broj:06/1-31-2711/16

AD-15

Informacija o uspjehu i odgoju učenika u osnovnim i srednjim školama, na području općine Ilijaš u školskoj 2015/2016. godini.

SANJA ZAGORAC-JOZIĆ – pomoćnik načelnika za društvene djelatnosti

U protekloj školskoj 2015/2016. godini u Osnovnim školama "Hašim Spahić" u Ilijašu, "Stari Ilijaš" u Starom Ilijašu, "Podlugovi" u Podlugovima i "Srednje" u Srednjem kao javnim ustanovama, nastavu je pohađalo ukupno 1875 učenika što je za 4 učenika manje u odnosu na školsku 2014/2015. godinu kada je ukupan broj učenika bio 1879. U protekloj školskoj godini realizovan je planirani fond nastavnih sati kao i ostali nastavni sadržaji predviđeni nastavnim planom i programom, koji su zacrtani Godišnjim programom rada škola za 2015/2016. godinu. Također, realizovani su i drugi oblici odgojno-obrazovnog rada škola.

Odgojno obrazovni proces u Osnovnoj školi "Hašim Spahić" u Ilijašu u protekloj školskoj godini bio je organizovan u 28 odjeljenja i to 3 odjeljenja u I, II, III, IV, V, VII, VIII i IX razredu i 4 odjeljenja u VI razredu.

Školu "Hašim Spahić" u Ilijašu u školskoj 2015/2016. godini započelo je pohađati 648 učenika, a na kraju školske 2015/2016. godine registrovano je 649 učenika. Godišnji program rada škole za školsku 2015./2016. godinu je realizovan.

Procenat prolaznosti u školskoj 2015/2016. godini iznosi 100%, koji je u odnosu na prošlu 2014/2015. školsku godinu identičan, srednja ocjena koja je u školskoj 2015/2016. godini bila 4,45 veća je za 0,03 poena u odnosu na školsku 2014/2015.godinu kada je bila 4,42. U segmentu odgoja na kraju školske 2015/2016. godine od ukupno 649 učenika njih 646 imalo je primjerno vladanje ili 99,54%. U poređenju sa prošlom školskom 2014/2015.

godinom ovaj procenat je manji za 0,46%.

U školskoj 2015/2016. godini sniženu ocjenu iz odgoja vrlo dobar imalo je 3 učenika ili 0,46%.

Odgojno obrazovni proces u Osnovnoj školi "Stari Ilijaš" u Starom Ilijašu u protekloj školskoj godini bio je organizovan u centralnoj školi u Starom Ilijašu, te u područnim školama u Misoči, Malešićima i Bioči.

Procenat prolaznosti u školskoj 2015/2016. godini iznosi 100%, koji je u odnosu na prošlu 2014/2015. školsku godinu veći za 0,24%, srednja ocjena koja je u školskoj 2015/2016. godini bila 4,26 manja je za 0,02 poena u odnosu na školsku 2014/2015. godinu kada je bila 4,28. Nije bilo neocjenjenih učenika.

U segmentu odgoja na kraju školske 2015/2016. godine 482 učenika imalo je primjerno vladanje ili 99,38%. Ukupno 3 učenika imaju sniženu ocjenu iz odgoja sa izrečenom odgojno-disciplinskom mjerom ukor razrednika i imaju ocjenu vrlo dobar ili 0,62%.

U Osnovnoj školi "Podlugovi" u Podlugovima nastavu u školskoj 2015/2016. godini pohađalo je 484 učenika raspoređenih u 22 odjeljenja od prvog do devetog razreda. Odgojno obrazovni proces se odvijao u tri školska objekta: Centralnoj školi u Podlugovima sa 17 odjeljenja, područnoj četverorazrednoj školi u Ljubnićima sa 2 čista odjeljenja II i IV razred i 1 kombinovnim odjeljenjem I i III razred i područnoj četverorazrednoj školi u Lješevu sa 2 kombinovana odjeljenja.

Procenat prolaznosti u školskoj 2015/2016. godini iznosi 100%, što je u odnosu na prošlu školsku 2014/2015. godinu identično. Srednja ocjena koja je u ovoj školskoj godini 4,35 identična je u odnosu na školsku 2014/2015. godinu kada je također, bila 4,35.

Obrazovno-odgojni proces u Osnovnoj školi "Srednje" u Srednjem u školskoj 2015/2016. godini organizovano se izvodio u centralnoj školi u Srednjem, te u područnim četverorazrednim školama u Gajevima, Dragoradima i Kamenici.

Godišnji program rada škole za školsku 2015/2016. godinu je realizovan.

Procenat prolaznosti u školskoj 2015/2016. godini iznosi 100,00%, koji je u odnosu na školsku 2014/2015. godinu indentičan. Srednja ocjena, koja je u školskoj 2015/2016. godini bila 4,38 veća je za 0,05 poena u odnosu na školsku 2014/2015. godinu.

Nastavu u Osnovnoj privatnoj školi "Đulistan" u Lješevu u školskoj 2015/2016. godini pohađala su 242 učenika raspoređena u 12 odjeljenja.

Procenat prolaznosti u školskoj 2015/2016. godini je identičan u odnosu na školsku 2014/2015. godinu. Srednja ocjena u školskoj 2015/2016. godini je 4,61 i veća je za 0,06 poena u odnosu na školsku 2014/2015. godinu kada je bila 4,55.

U segmentu odgoja na kraju školske 2015/2016. godine 242 učenika imala su primjerno vladanje ili 100,00%. U poređenju sa školskom 2014/2015. godinom ovaj procenat identičan.

JU Srednjoškolski centar "Nedžad Ibrišimović" Ilijaš

Realizovan je cjelokupan fond časova opće obrazovne, stručno-teorijske, izborne i praktične nastave kako je i planirano za školsku 2015./2016. godinu.

U toku godine organizovana je dopunska nastava iz predmeta gdje su učenici pokazivali slabije rezultate. Organizovana je i dodatna fakultativna i instruktivna nastava kao i niz sekcija, klubova i udruženja za vannastavne aktivnosti. Planirane nabavke u oblasti opremanja kabineta i školske zgrade u potpunosti su realizovane.

Nastavu u školskoj 2015/2016. godini pohađalo je 386 učenika koji su bili raspoređeni u 17 odjeljenja.

Procenat prolaznosti u školskoj 2015/2016. godini iznosi 94,56%, koji je u odnosu na školsku 2014/2015. godinu, kada je iznosio 98,60%, manji za 4,04%. Srednja ocjena koja je u školskoj 2015/2016. godini 3,64, manja je za 0,10 poena u odnosu na školsku 2014/2015. godinu kada je bila 3,74.

“Perzijsko bosanski koledž sa internatom” Ilijaš – Lješevo

“Perzijsko bosanski koledž sa internatom” Ilijaš - Lješevo u školskoj 2015/2016. godini pohađalo je 52 učenika raspoređenih u 4 odjeljenja, što je u odnosu na školsku 2014/2015. godinu manje za 7 učenika, kada je bilo 59 učenika.

Realizovan je predviđeni fond sati i ostali nastavni sadržaji predviđeni nastavnim planom i programom rada škole za školsku 2015/2016. godinu.

Procenat prolaznosti u školskoj 2015/2016.godini je identičan u odnosu na školsku 2014/2015.godinu. Srednja ocjena u školskoj 2015/2016. godini je 4,20 i veća je za 0,08 poena u odnosu na školsku 2014/2015. godinu, kada je bila 4,12.

Diskutanata po ovoj tački dnevnog reda nije bilo, pa je OV-e primilo k znanju

Informacija o uspjehu i odgoju učenika u osnovnim i srednjim školama, na području općine Ilijaš u školskoj 2015/2016. godini.

Zatim je predsjedavajući Mahir Dević zaključio drugu sjednicu OV-a Ilijaš u 12:15h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ

Mahir Dević, prof.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

